



## Concello de Vigo

### D<sup>a</sup>. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

**C E R T I F I C O:** Que a Xunta de Goberno Local, na **sesión extraordinaria e urxente do 15 de novembro de 2018**, adoptou o seguinte acordo:

#### **7.- SUBVENCIÓN, MEDIANTE UN CONVENIO COA XESTORA DO AUDITORIO-PAZO DE CONGRESOS “MAR DE VIGO”, PARA A PROGRAMACIÓN E ORGANIZACIÓN DE ACTIVIDADES ARTÍSTICAS E SOCIOCULTURAS NO CITADO AUDITORIO DURANTE O ANO 2018. EXPTE. 1693/330.**

Visto o informe xurídico do 09/11/18, e o informe de fiscalización de data 13/11/18, dáse conta do informe-proposta do 29/10/18, asinado polo o xefe do Servizo de Xestión e Promoción Cultural, o concelleiro-delegado de Cultura, e polo concelleiro-delegado de Orzamentos e Facenda, que di o seguinte:

#### ANTECEDENTES.-

1.- O concelleiro-delegado da Área de Cultura resolveu, con data 11 de xaneiro pasado, que por parte desta xefatura se iniciase o expediente de subvención coa empresa ORGANIZACIÓN DE IDEAS DE ÉXITO S.L., xestora do Auditorio-Pazo de Congressos “Mar de Vigo, para a programación de actividades artísticas e socioculturais no citado auditorio durante o exercicio 2018, por importe de 500.000 €.

2.- Con esa mesma data, o concelleiro-delegado da Área de Cultura solicita informe ao responsable do contrato de concesión pública para a construción e explotación do edificio do Auditorio-Pazo de Congressos, relativo sobre aos posibles efectos do proceso no que se atopaba a empresa concesionaria e, de selo caso, a conveniencia de incluír algún condicionante no clausulado do convenio que regularía a subvención nominativa.

3.- Con data 31 de xaneiro, o citado responsable do contrato informa que “en tanto non se produza un pronunciamento municipal sobre a resolución, continuidade ou modificación do contrato concertado no seu día entre Pazo de Congressos de Vigo e OIDE para a xestión do Auditorio-Pazo de Congressos, **non debería** adoptarse acordo para a concesión da subvención de referencia, ao estar nominativa....”

4.- Con data 15 de febreiro, o concelleiro-delegado da Área de Cultura emite informe en relación co expediente 1750/330 de “Entrega do Auditorio-Pazo de Congressos de Vigo e zonas complementarias ao Concello de Vigo e continuidade dos contratos asinados para a explotación da obra pública”, no que indica:

“Con estes mesmos criterios, e á marxe das vicisitudes do proceso concursal do conxunto Pazo de Congressos, a xestora que ten arrendado o Auditorio-Pazo de Congressos Mar de Vigo “Organización de Ideas de Éxito, S.L.”, en diálogo permanente con esta Concellería, elaborou ao longo do ano 2017 a programación para 2018, xa difundida oportunamente en todos os circuitos e medios.



Copia do documento - Concello de Vigo	Data impresión: 03/05/2024 17:36	Páxina 1 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Daquela, esta Concellería estima que é imprescindible a continuidade do contrato de arrendamento coa empresa “Organización de Ideas de Éxito, S.L.” xa que a súa resolución obrigaría á cancelación da programación xa aprobada e anunciada para 2018 e o primeiro trimestre de 2019.

Polo demais, a necesidade de aprobar canto antes o convenio de colaboración coa xestora do Auditorio Pazo de Congressos para a execución da programación cultural arriba referida, aconsella que a continuidade do contrato de arrendamento, asinado no seu día entre Pazo de Congressos de Vigo, S. A. e a xestora do Auditorio, se adopte á maior brevidade posible”.

5.- Con data 23 de febreiro, o Interventor xeral emite informe de fiscalización do expediente 1750/330 de “Entrega do Auditorio-Pazo de Congressos de Vigo e zonas complementarias ao Concello de Vigo e continuidade dos contratos asinados para a explotación da obra pública”, no que indica:

“A continuidade dos contratos aos que se refire o expediente examinado, ao tratarse basicamente dos contratos de arrendamentos de superficies e non dos contratos de prestacións de servizos e subministracións, non suporá para o Concello de Vigo a obriga de aboar indemnización algunha conforme á lexislación aplicable xa que non se producirá a resolución dos mesmos, nin tampouco obriga de gasto adicional con cargo aos seus orzamentos, se non que, polo contrario, significará en termos anuais uns ingresos de, polo menos, 609.431,52 euros, aos que hai que engadir, de ser o caso, unha renda variable anual a determinar no primeiro trimestre con referencia á facturación bruta anual das entidades arrendatarias correspondente ao ano anterior, así como un menor gasto anual ou aforro de 543.160,20 euros como consecuencia da extinción, por confusión, das obrigas asumidas como consecuencia da continuidade do contrato de arrendamento, polo propio Concello de Vigo, de espazos para a aula da UNED en Vigo.

Con todo, segundo o informe e a documentación obrante no expediente, a xestión directa polo propio Concello do Auditorio e espazos anexos suporá uns gastos regulares duns 333 mil euros anuais polo que, no seu conxunto, terá un efecto positivo sobre o saldo estrutural da entidade, con independencia da necesidade de aboar ao concesionario o importe que proceda como consecuencia da resolución do contrato conforme á lexislación aplicable, e da súa consideración ou non como gasto computable en termos SEC2010.

En definitiva, o acordo proxectado no expediente 1750-330 non suporá gasto algún para o Concello de Vigo, afectando unicamente aos ingresos derivados dos contratos de arrendamento, polo que entende esta Intervención que pode continuarse coa tramitación do expediente conforme ao disposto no artigo 214 do TRLRFL e Bases de Execución do Orzamento.

6.- Con data 9 de marzo, a Xunta de Goberno Local do Concello de Vigo acordou a **continuidade do contrato de arrendamento** entre a empresa “Organización de Ideas de Éxito, S.L.” e Pazo de Congressos SA, para a explotación e xestión do Auditorio-Pazo de Congressos de Vigo.

7.- Con data 21 de marzo, o concelleiro-delegado da Área de Cultura reitera informe ao responsable do contrato de concesión ante a súa nova situación xurídico-administrativa.

8.- Con data 21 de marzo, o responsable do contrato informa que “Á data de hoxe, acordada pola Xunta de Goberno Local do Concello de Vigo, en sesión de 9 de marzo de 2018, a continuidade do contrato de arrendamento concluído o 17 de marzo de 2014 entre OIDE e Pazo de Congressos de Vigo, S.A. para a explotación e xestión do Auditorio-Pazo de Congressos de Vigo, e como queira que OIDE vai continuar coa explotación e xestión do Auditorio-Pazo de Congressos Mar de Vigo a partires do 31 de marzo do ano en curso, **non existe xa o obstáculo para a concesión da subvención posto de manifesto no informe de 31 de xaneiro de 2018.**”



Copia do documento - Concello de Vigo	Data impresión: 03/05/2024 17:36	Páxina 2 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

9.- Con data 22 de marzo, o concelleiro-delegado remite escrito ao responsable da empresa ORGANIZACIÓN DE IDEAS DE ÉXITO S.L. solicitándolle a documentación administrativa necesaria para a tramitación do expediente de concesión da subvención nominativa.

10.- Con data do Rexistro Xeral 6 de abril, a empresa ORGANIZACIÓN DE IDEAS DE ÉXITO S.L. presenta a documentación requerida.

11.- Con data 6 de xullo, o concelleiro-delegado resolve que "polo xefe do Servizo de Xestión e Promoción Cultural se continúe coa tramitación do expediente necesario para conceder unha **SUBVENCIÓN NOMINATIVA, MEDIANTE UN CONVENIO ENTRE O CONCELLO DE VIGO E A XESTORA DO AUDITORIO-PAZO DE CONGRESOS "MAR DE VIGO"**, Organización de Ideas de Éxito, S.L., CIF A-36972560, **PARA A PROGRAMACIÓN E ORGANIZACIÓN DE ACTIVIDADES ARTÍSTICAS E SOCIOCULTURAS NO CITADO AUDITORIO DURANTE O ANO 2018**, por importe de 500.000 € con cargo á aplicación presupostaria 3331.470.00.02 "Convenio Promoción Cultural Auditorio Mar de Vigo" do orzamento municipal vixente para o presente exercicio, en base ao informe xurídico positivo emitido polo responsable do contrato de concesión pública para a construción e explotación do edificio do Auditorio-Pazo de Congressos, con data 21 de marzo pasado".

12.- Con data 3 de outubro, o Interventor Xeral emite informe no que indica:

"O artigo 19.3 da Lei 39/2003, xeral de subvencións (en diante, LXS) establece: "3. El importe de las subvenciones en ningún caso podrá ser de tal cuantía que, aisladamente o en concurrencia con otras subvenciones, ayudas, ingresos o recursos, supere el coste de la actividad subvencionada".

Idéntico texto é o contido no artigo 17.2 da Lei de Subvencións de Galicia (en diante, LSG).

Aos efectos de determinar o alcance da expresión "ingresos o recursos" concorrentes coa subvención, contido nos precitados artigos, determinante dun eventual exceso de financiamento con respecto ao custo da actividade subvencionada, a doutrina contida na Sentenza ditada pola Sección 1ª do TSX de Galicia de 29 de abril de 2015, expresa que:

«El problema interpretativo y, donde en opinión de esta Sala yerra la Administración demandada, es el relativo al término de "ingresos" que utiliza el artículo 17.2 de la repetida Ley. No cabe apreciar que tales ingresos se refieren a los beneficios que el promotor obtiene de la explotación de las instalaciones, al no resultar cuantificables. Si así fuese ninguna inversión productiva podría ser beneficiaria de una subvención. Las expresiones que emplea el citado artículo 17.2 nada tienen que ver con los beneficios derivados de la explotación y sufragados, en su mayor parte, por los usuarios de las instalaciones que la explotación del camping públicamente oferta; aluden, obviamente, a hipotéticas aportaciones económicas que, juntamente con la subvención pretendida, excedan del coste de los gastos subvencionados. De ahí que se exija que esas ayudas, ingresos, recursos o subvenciones sean de procedencia ajena, es decir no traigan causa del propio negocio del concesionario y, además, se hallen destinadas a la misma finalidad que la de la subvención, lo que no acontece con los beneficios obtenidos del desarrollo de la actividad de explotación del camping, cuyo destino puede ser diverso.

En definitiva, cabe concluir que la concesión de la subvención, en los términos en que ha sido postulada, no resulta incompatible con la existencia de un beneficio empresarial, siempre determinante de la presencia de unos ingresos superiores a los gastos. De aceptarse lo contrario, ningún proyecto productivo podría ser subvencionado, con lo que se convertiría en papel mojado la oferta contenida en la Orden de 16 de marzo de 2011.»



Copia do documento - Concello de Vigo	Data impresión: 03/05/2024 17:36	Páxina 3 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

En idéntico sentido, a Sentenza ditada pola Sección 8ª do TSX de Madrid de data 8 de marzo de 2018, logo de reiterar o dito na anterior Sentenza do TSX Galicia, conclúe dicindo que

“Por ello entendemos que no cabe considerar como ingresos, a los efectos del art. 19 de LGS, los beneficios la recurrente pueda obtener por el contrato que le vincula con HVSA, porque si así fuese ninguna inversión productiva podría ser beneficiaria de una subvención. Es por ese motivo por el que lo que resulta exigible es que esas ayudas, ingresos, recursos o subvenciones sean de procedencia ajena, es decir, que no traigan causa del propio negocio del beneficiario de la subvención. La concesión de la subvención, no resulta incompatible con la existencia de un beneficio empresarial, siempre determinante de la presencia de unos ingresos superiores a los gastos. Si aceptásemos lo contrario ningún proyecto productivo podría ser subvencionado”.

Polo tanto, á luz da doutrina contida nas Sentenzas dos TSX citadas, e aos efectos de determinar un posible exceso de financiamento, os artigos 19.3 da LXS e 17.2 da LSG refírense exclusivamente as axudas, ingresos, recursos ou subvencións que sexan de procedencia allea, e non aos ingresos procedentes do propio negocio do beneficiario da subvención”.

13.- Con data 5 de outubro, a empresa ORGANIZACIÓN DE IDEAS DE ÉXITO S.L. presenta novo orzamento de gasto, en base a:

\* Do 1 de decembro de 2017 ao 31 de marzo de 2018: inclúe todos os gastos derivados das programacións directas e indirectas, como viña sendo habitual en subvencións anteriores, por un importe total de 233.770,62 € sen iva.

\* Do 1 de abril ao 15 de novembro de 2018: só inclúe os gastos derivados da xestión directa de actividades, dado que a nova situación contractual da empresa co Concello de Vigo non permitiría que se xustifiquen gastos de actividades indirectas; o importe ascende a 158.634,91 € sen iva.

Por tanto, a suma dos gastos susceptibles de ser subvencionados ascenderían a un total de 392.405,53 €

14.- Con data 3 de outubro, solicítase á Área de Xestión Patrimonial informe relativo á situación actual e planificación futura do modelo de xestión do inmoble do Auditorio “Mar de Vigo”, en canto á súa actividade de arrendamento e/ou programación.

15.- Con data 24 de outubro, o xefe do servizo Administrativo e de control orzamentario da Concellería de Patrimonio emite informe sobre a xestión dos espazos do inmoble Auditorio-Pazo de Congresos de Vigo “Mar de Vigo”, no que indica:

“VI.- Non obstante, como consecuencia da recuperación da titularidade da obra pública, o Concello de Vigo, sen prexuízo do mantemento integral da obra pública e da xestión do aparcadoiro que poda contratar como resultado do expediente arriba referido, ten que asumir outras tarefas de xestión de toda a obra pública —as que viñan sendo prestadas pola anterior concesionaria para a explotación da obra pública— para as que, en principio, non dispón dos suficientes medios materiais, polo que resulta necesario iniciar o expediente para a contratación das ditas prestacións, previo estudo da conveniencia de que o contrato contemple ou non a asunción polo adxudicatario do risco económico da xestión integral da explotación que se contrate —estudo que deberá tomar en consideración os contratos actualmente en vigor que o adxudicatario terá de respectar— e da conveniencia de incluír ou non neste contrato as



Copia do documento - Concello de Vigo	Data impresión: 03/05/2024 17:36	Páxina 4 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

prestacións a que se refire o expediente iniciado pola resolución arriba indicada do Concelleiro Delegado da Área de Patrimonio, de data 2 de xullo de 2018.

VII.- A finalidade institucional a satisfacer pola Administración municipal co contrato e o estudo previo citado, é pois a xestión integral da explotación da obra pública, isto é a contratación das prestacións para a explotación do conxunto da obra pública que viñan sendo erogadas pola anterior concesionaria, coa modalidade contractual e as concretas prestacións que se consideren máis axeitadas ao interese público e da cidadanía, ao abeiro das competencias municipais propias previstas no 25.2.m e 25.2.d (Promoción da cultura e equipamentos culturais) (outros equipamentos da súa titularidade) da Lei 7/1985 Reguladoras das bases de Réxime Local e artigo 80 da Lei 5/1997, 22 xullo reguladora da Administración local de Galicia e en cumprimento do principio establecido no artigo 6 LPAP/2003, relativo aos bens e dereitos de dominio público, como é o que nos ocupa, de procurar a adecuación e suficiencia dos bens para servir ao uso xeral ou ao servizo público a que estean destinados.

VIII.- Ás circunstancias reseñadas determinaron a necesidade da incoación dun expediente administrativo no que se proceda ao estudo e análise das posibles modalidades de xestión dos diferentes espazos dos edificios do devandito Edificio, polo que que **en data 24.10.2018 o Concelleiro Delegado da Área de Patrimonio resolveu “Iniciar o expediente para o estudo e análise das posibles modalidades de xestión dos diferentes espazos dos edificios do Edificio Auditorio-Pazo de Congressos de Vigo.”**

16.- O Auditorio-Pazo de Congressos “Mar de Vigo” é un espazo artístico e cultural referente para a cidade de Vigo, destinado principalmente ao desenvolvemento de concertos, espectáculos e representacións artísticas, así como a actividades de carácter sociocultural, congresos, exposicións, convencións e actividades de promoción turística.

17.- A empresa “**Organización de Ideas de Éxito, S.L.**”, con CIF B-27719434, ten por obxecto social a representación técnica de espectáculos, a contratación e representación de actividades artísticas, deportivas e culturais, e toda a relación profesional co mundo do espectáculo, o deporte e a cultura, así como a xestión, explotación e produción de redes de telecomunicacións de información, informática, telefonía, vídeo, televisión e radio; transporte de sinal por satélite, cable, fibra óptica e/ou enerxías naturais ou industriais; produción, cinematográfica, publicacións, editoriais discográficas e xornalísticas e publicidade, segundo a escritura de constitución outorgada en O Porriño, ante a Notaría Dña. Mónica Alba Castro, presentada o 16 de outubro de 2008 no Rexistro Mercantil de Pontevedra, documento: 1/2008/10.095,0; diario: 102; asento 8590; Tomo: 3504, libro 3504; folio 10; folla: P0 46892, e que foi modificada con posterioridade na seguintes datas: 15 de setembro de 2008 nº entrada 1/2008/10.095,0; 22 de abril de 2010 nº de entrada documento 1/2010/3.277,0 e o 30 de outubro de 2014 nº documento 1/2014/10.079,0.

18.- A empresa “**Organización de Ideas de Éxito, S.L.**” está interesada en colaborar co **Concello de Vigo** na programación e organización de actividades artísticas e socioculturais no Auditorio-Pazo de Congressos “Mar de Vigo” durante o ano 2018, co fin de apoiar e potenciar a oferta cultural e de ocio da cidade, e achegar á cidadanía unha oferta cultural diversificada que albergue o maior número posible de actividades, dirixidas a todos os sectores culturais no fomento de actividades de interese cultural e social que se celebren na cidade de Vigo.



Copia do documento - Concello de Vigo	Data impresión: 03/05/2024 17:36	Páxina 5 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

19.- O **Concello de Vigo**, de conformidade cos artigos 25.1. e 25.2.m da Lei 7/1985 de 2 de abril reguladora das bases do réxime local, e cos artigos 80.1 e 80.2.n da Lei de Galicia 5/1997 de 22 de xullo de administración local de Galicia, está interesado en apoiar e potenciar a oferta cultural da cidade, así como en achegarlle á cidadanía unha oferta cultural diversificada que albergue o maior número posible de actividades dirixidas a todos os sectores culturais. O exercicio desta competencia de promoción da cultura entre a comunidade veciñal pode ter lugar, ben organizando e proporcionando ao propio Municipio- directa ou indirectamente- o acceso da cidadanía ao acontecemento cultural, ou ben mediante a actividade administrativa de fomento que as Administracións públicas poden promover mediante a concesión de achegas directas ou indirectas para servizos ou actividades que complementen ou suplan os atribuídos ao Ente público; acción de fomento cuxa manifestación máis importante é a da subvención, definida nos artigos 2 da Lei 38/2003, de 17 de novembro, Xeral de Subvencións, e 2 da Lei 9/2007, de 13 de xuño, de subvencións de Galicia, como achegas económicas sen contraprestación directa da beneficiaria, suxeita á realización dun proxecto, cuxa execución ten de fomentar unha actividade de utilidade pública e interese social, como é a promoción da cultura.

20.- O Concello de Vigo, no seu vixente orzamento, prevé a concesión dunha subvención por importe máximo de 500.000 € na aplicación orzamentaria 3331.470.0002 (Convenio promoción cultural Auditorio Mar de Vigo), co obxecto de promover unha programación de actividades artísticas e socioculturais no Auditorio-Pazo de Congressos “Mar de Vigo”.

21.- O **Concello de Vigo** e maila empresa “**Organización de Ideas de Éxito, S.L.**” asinaron convenios de colaboración para regular a subvención da programación e organización de actividades artísticas e socioculturais no citado recinto para os exercicios 2014, 2015, 2016 e 2017, con resultados satisfactorios para ámbalas dúas partes.

LEXISLACIÓN APLICABLE.-

A concesión da subvención que outorgue o Concello de Vigo á empresa “**Organización de Ideas de Éxito, S.L.**”, para a programación e organización de actividades artísticas e socioculturais no Auditorio-Pazo de Congressos “Mar de Vigo” para o exercicio 2018, obxecto do presente convenio, rexerese pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Capacidade de “Organización de Ideas de Exito, S.L” para a xestión do Auditorio-Pazo de Congressos de Beiramar

A Xunta de Goberno Local na sesión que tivo lugar o 21/10/2011, aprobou o réxime de funcionamento do Auditorio Pazo de Congressos, expediente 3716/241. O seu artigo 2 establece que “O Auditorio-Pazo de Congressos “Mar de Vigo” é un ben inmovible municipal que ten como finalidade o desenvolvemento de espectáculos públicos, actividades socioculturais, reunións e congresos. A súa explotación foi cedida en réxime de concesión á sociedade PAZO DE



Copia do documento - Concello de Vigo	Data impresión: 03/05/2024 17:36	Páxina 6 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

CONGRESOS DE VIGO, S.A. (en adiante, a “Sociedade Concesionaria”) que encargarse da súa xestión e explotación para cumprir coa súa finalidade por si ou a través de terceiros. A utilización do Auditorio-Pazo de Congressos “Mar de Vigo” efectuarase pola Sociedade Concesionaria a través dunha empresa á que se encomendará a xestión e explotación do mesmo (en adiante, a “Sociedade Xestora”). En desenvolvemento desta disposición do Regulamento do Réxime de Funcionamento do Auditorio-Pazo de Congressos faise ao longo do seu texto continua referenza á esta Sociedade Xestora.

Con data 9 de marzo, a Xunta de Goberno Local do Concello de Vigo acordou a continuidade do contrato de arrendamento entre a empresa “Organización de Ideas de Éxito, S.L.” e a mercantil Pazo de Congressos SA, para a explotación e xestión do Auditorio-Pazo de Congressos de Vigo.

En relación coa capacidade da mercantil xestora “Organización de Ideas de Exito, S.L.” para a xestión do Auditorio-Pazo de Congressos de Beiramar, nos remitiriamos ao informe xurídico do Sr. Secretario de Administración Municipal de data 14 de outubro de 2014 (inclúese copia no expediente).

### Competencia sobre a actividade de fomento que conforma a proposta de gasto

Tal e como se subliña nos informes favorables xurídicos e da Intervención Xeral nos expedientes de concesión desta subvención nominativa en anos anteriores:

A Lei 27/2013, de 27 de decembro, de Racionalización e Sustentabilidade da Administración Local que modificou á Lei 7/1985, de 2 de abril Reguladora das Bases de Réxime Local, trata segundo a súa Exposición de Motivos de clarificar as competencias municipais para evitar duplicidades coas competencias doutras Administracións, racionalizar a estrutura organizativa da Administración Local e para elo procede a modificar o réxime competencial municipal coa modificación entre outros, dos artigos 25, 26 e 27 da Lei de Bases de Réxime Local.

A Lei 5/2014, de 27 de maio, de Medidas Urxentes derivadas da entrada en vigor da Lei 27/2013, de 27 de decembro, de Racionalización e Sustentabilidade da Administración Local, publicada no DOGA o día 30 de maio de 2014 que entrou en vigor segundo a Disposición adicional derradeira segunda o 31 de maio de 2014, establece no artigo 3 que regula as competencias das entidades locais distintas das propias e das atribuídas por delegación:

“O exercicio de novas competencias polas entidades locais que sexan distintas das atribuídas como propias pola lexislación, e cuxo exercicio non se encontre delegado, só será posible cando non se poña en risco a sustentabilidade financeira do conxunto da Facenda municipal, de acordo cos requirimentos da lexislación de estabilidade orzamentaria e sustentabilidade financeira, e non se incorra nun suposto de execución simultánea do mesmo servizo público con outra Administración pública.

Neste suposto, o apartado cuarto establece que, con carácter previo ao inicio das novas competencias, serán preceptivos os informes previos da Administración competente por razón da materia, en que se sinala a inexistencia de duplicidades, e da Consellería de Facenda da Administración da comunidade Autónoma de Galicia como titular da competencia de tutela financeira sobre as entidades locais galegas, sobre a sustentabilidade financeira das novas competencias.

No entanto, o citado precepto establece no apartado terceiro b), que non se entenderá como exercicio de novas competencias a continuidade da actividade de fomento xa establecida en exercicios anteriores.



Copia do documento - Concello de Vigo	Data impresión: 03/05/2024 17:36	Páxina 7 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Á vista do exposto, e tras a entrada en vigor da Lei de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local, queda determinada a competencia municipal para o exercicio das actividades de fomento que xa se veñan realizando en exercicios anteriores.

A maiores, hai que ter en conta a Disposición adicional primeira da Lei 5/2014 adicada ás competencias atribuídas pola lexislación autonómica anterior á entrada en vigor da Lei 27/2013, do 27 de decembro, de racionalización e sustentabilidade da Administración Local:

“As competencias atribuídas ás entidades locais pola lexislación autonómica anterior á entrada en vigor da Lei 27/2013, do 27 de decembro, de racionalización e sustentabilidade da Administración Local, continuarán exercéndoseas elas, rexéndose pola indicada lexislación ou, de ser o caso, polo dereito estatal aplicable como supletorio, sen prexuízo do disposto nas disposicións adicionais cuarta e quinta sobre asunción pola Comunidade Autónoma das competencias relativas á educación, saúde e servizos sociais.”

De conformidade cos artigos 25.1. e 25.2.m) da Lei 7/1985 de 2 de abril reguladora das Bases do Réxime Local, e cos artigos 80.1 e 80.2.n) da lei de Galicia 5/1997 de 22 de xullo de Administración Local de Galicia , a competencia en materia cultural, está atribuída ás Entidades Locais.

Por último, o artigo 2 apartado 1 da Lei 7/1985, redactado polo número uno do artigo primeiro da Lei 27/2013, establece que, para a efectividade da autonomía garantida constitucionalmente ás Entidades Locais, a lexislación do Estado e a das Comunidades Autónomas, reguladora dos distintos sectores de acción pública, segundo a distribución constitucional de competencias, deberá asegurar aos Municipios, as Provincias e as Illas o seu dereito a intervir en cuantos asuntos afecten directamente ao círculo dos seus intereses, atribuíndolles as competencias que proceda en atención ás características da actividade pública de que se trate e á capacidade de xestión da Entidade Local, de conformidade cos principios de descentralización, proximidade, eficacia e eficiencia, e con estrita suxeición á normativa de estabilidade orzamentaria e sustentabilidade financeira.

Por conseguinte, a competencia desta Administración para outorgar esta subvención artellada polo proxecto de convenio que se está a propor á Xunta de Goberno Local, está amparada na lexislación citada, ademais, por ser unha actividade de fomento cultural con amparo no artigo 25.2.m) da LBRL.

#### Xustificación da concesión da subvención directa

A concesión da subvención directa á empresa “**Organización de Ideas de Éxito, S.L.**” deberá axustarse ao previsto no art. 22. apartado 2. c) da Lei 38/2003 xeral de subvencións, en base a:

- o interese público, social e cultural que supón o programa de actividades proposto para a cidade de Vigo
- a “exclusividade” da empresa xestora (Organización de Ideas de Éxito, S.L.) para a xestión do Auditorio “Mar de Vigo”. Esta exclusividade queda xustificada en base a que a empresa “Organización de Ideas de Éxito, S.L.”, CIF: B-27719434, tiña un contrato para a explotación e xestión do Auditorio-Pazo de Congresos de Vigo con Pazo de Congresos S.A., cuxa continuidade aprobou a Xunta de Goberno Local do Concello de Vigo na súa sesión de data 9 de marzo pasado.



Copia do documento - Concello de Vigo	Data impresión: 03/05/2024 17:36	Páxina 8 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		





## Concello de Vigo

Neste sentido, reitérase o informado polo responsable do contrato de concesión pública para a construción e explotación do edificio do Auditorio-Pazo de Congressos, con data 21 d emarzo pasado: “Á data de hoxe, acordada pola Xunta de Goberno Local do Concello de Vigo, en sesión de 9 de marzo de 2018, a continuidade do contrato de arrendamento concluído o 17 de marzo de 2014 entre OIDE e Pazo de Congressos de Vigo, S.A. para a explotación e xestión do Auditorio-Pazo de Congressos de Vigo, e como queira que OIDE vai continuar coa explotación e xestión do Auditorio-Pazo de Congressos Mar de Vigo a partires do 31 de marzo do ano en curso, **non existe xa o obstáculo para a concesión da subvención posto de manifesto no informe de 31 de xaneiro de 2018.**”

- A organización directa por parte do Concello de Vigo dos espectáculos prantexados no anexo do convenio até o 31 de marzo serían sempre máis elevados que optando pola vía da subvención, xa que debería facerse fronte en cada caso ao aluguer dun espazo adecuado para a súa realización (do cal carece xa que o aforo máximo do que se disporía en recinto pechado serían as 281 prazas das que dispón o Auditorio Municipal), e ao pagamento do iva correspondente (sen embargo no pagamento da achega, a través do convenio non se inclúe o iva, tal e como se establece no pacto sétimo do convenio).

Ademais, tal e como indica o Interventor Xeral no seu informe de fiscalización do expediente 1750/330, de data 23 de febreiro pasado:

“A continuidade dos contratos aos que se refire o expediente examinado, ao tratarse basicamente dos contratos de arrendamentos de superficies e non dos contratos de prestacións de servizos e subministracións, non suporá para o Concello de Vigo a obriga de aboar indemnización algunha conforme á lexislación aplicable xa que non se producirá a resolución dos mesmos, nin tampouco obriga de gasto adicional con cargo aos seus orzamentos, se non que, polo contrario, significará en termos anuais uns ingresos de, polo menos, 609.431,52 euros, aos que hai que engadir, de ser o caso, unha renda variable anual a determinar no primeiro trimestre con referencia á facturación bruta anual das entidades arrendatarias correspondente ao ano anterior, así como un menor gasto anual ou aforro de 543.160,20 euros como consecuencia da extinción, por confusión, das obrigas asumidas como consecuencia da continuidade do contrato de arrendamento, polo propio Concello de Vigo, de espazos para a aula da UNED en Vigo.

Con todo, segundo o informe e a documentación obrante no expediente, a xestión directa polo propio Concello do Auditorio e espazos anexos suporá uns gastos regulares duns 333 mil euros anuais polo que, no seu conxunto, terá un efecto positivo sobre o saldo estrutural da entidade, con independencia da necesidade de aboar ao concesionario o importe que proceda como consecuencia da resolución do contrato conforme á lexislación aplicable, e da súa consideración ou non como gasto computable en termos SEC2010.

En definitiva, o acordo proxectado no expediente 1750-330 non suporá gasto algún para o Concello de Vigo, afectando unicamente aos ingresos derivados dos contratos de arrendamento, polo que entende esta Intervención que pode continuarse coa tramitación do expediente conforme ao disposto no artigo 214 do TRLRFL e Bases de Execución do Orzamento.

No relativo aos gastos directos do 1 de abril ao 15 de novembro, o concelleiro-delegado da Área de Cultura indica no seu informe de data 15 de febreiro, no expediente 1750/330, o seguinte:

Daquela, esta Concellería estima que é imprescindible a continuidade do contrato de arrendamento coa empresa “Organización de Ideas de Éxito, S.L.” **xa que a súa**



Copia do documento - Concello de Vigo	Data impresión: 03/05/2024 17:36	Páxina 9 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

### resolución obrigaría á cancelación da programación xa aprobada e anunciada para 2018 e o primeiro trimestre de 2019.

Polo demais, a necesidade de aprobar canto antes o convenio de colaboración coa xestora do Auditorio Pazo de Congressos para a execución da programación cultural arriba referida, aconsella que a continuidade do contrato de arrendamento, asinado no seu día entre Pazo de Congressos de Vigo, S. A. e a xestora do Auditorio, se adopte á maior brevidade posible”.

A condición de xestora do Auditorio-Pazo de Congressos “Mar de Vigo” en exclusividade, xustifica a concesión directa da subvención, xa que o concepto que recolle o vixente orzamento, “convenio promoción cultural Auditorio-Pazo de Congressos Mar de Vigo” aplicación 3331.470.0002 (convenio promoción cultural auditorio Mar de Vigo), **outorgalle a condición de subvención nominativa ao espazo cultural, non por razón de suxeito, senon por razón ao obxecto, e ao inmobile no que se desenvolverían as actividades.**

Polo tanto, concorre un dereito de exclusividade na xestión do contenedor cultural e ademáis, unha condición de subvención nominativa, non por razón de suxeito, xa que se podería estar ante outro xestor, pero si nominativa en canto ao obxecto e ao inmobile non que se desenvolverían as actividades.

Por todo o exposto, considérase que non procede promover a concorrencia para o seu outorgamento. Dado que os convenios serán o instrumento habitual para canalizar as subvencións, inclúese o correspondente proxecto de convenio na proposta de resolución.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.

### PROGRAMA

A empresa “Organización de Ideas de Éxito, S.L.”, presenta con data 5 de outubro unha proposta de programación a subvencionar composta por 35 actividades artísticas e socioculturais, comprendidas no período entre o 1 de decembro de 2017 ao 15 de novembro de 2018, e que se atópan relacionadas no Anexo do convenio, xunto co seu presuposto de gastos. O custo total destas 35 actividades subvencionadas distribúese da seguinte maneira:

\* Do 1 de decembro de 2017 ao 31 de marzo de 2018: inclúe todos os gastos derivados das programacións directas e indirectas, como viña sendo habitual en subvencións anteriores, por un importe total de 233.770,62 € sen iva.

\* Do 1 de abril ao 15 de novembro de 2018: só inclúe os gastos derivados da xestión directa de actividades, dado que a nova situación contractual da empresa co Concello de Vigo non permitiría que se xustificasen gastos de actividades indirectas; o importe ascende a 158.634,91 € sen iva.

Por tanto, a suma dos gastos susceptibles de ser subvencionados ascenderían a un total de **392.405,53 €**, dentro dun orzamento total de gastos necesarios para o desenvolvemento das actividades propostas de 514.560,53 € (ao engadir o prorrateo dos gastos xerais, que ascende a 122.155 €)



Copia do documento - Concello de Vigo	Data impresión: 03/05/2024 17:36	Páxina 10 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

### DOCUMENTACIÓN.-

Por parte da empresa presentouse a documentación relativa ao expediente de subvención, que está integrada polo seguinte:

- Proxecto de programa de actividades
- Orzamento de gastos do programa de actividades
- Orzamento de gastos xerais
- NIF do administrador único da empresa
- CIF da empresa
- Escritura de constitución outorgada en O Porriño, ante a Notaria Dna. Mónica Alba Castro
- Estatutos sociais da compañía de responsabilidade limitada, outorgados en O Porriño, ante a Notaria Dna. Mónica Alba Castro
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia
- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria
- Declaración de non estar incurso en prohibición para obter subvencións.
- Declaración doutras axudas.
- Recibo do pagamento da póliza do seguro de responsabilidade civil
- Plan de Autoprotección do recinto
- Escrito da empresa "Organización de Ideas de Éxito, S.L.", CIF: B-27719434 de aceptación do texto do convenio de colaboración relativo á programación de actividades artísticas e socioculturais no Auditorio-Pazo de Congressos "Mar de Vigo" durante o exercicio 2018

### ÓRGANO DE RESOLUCIÓN E ÁMBITO DE COMPETENCIAS .-

O órgano de goberno para a concesión desta subvención directa é a Xunta de Goberno Local. O obxecto do expediente corresponde a materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

### FINANCIAMENTO DA SUBVENCIÓN.-

A subvención do Concello de Vigo á empresa ORGANIZACIÓN DE IDEAS DE ÉXITO S.L., xestora do Auditorio-Pazo de Congressos "Mar de Vigo", ten como obxecto financiar a organización da programación de actividades artísticas e socioculturais no citado auditorio durante o exercicio 2018, con cargo á partida 3331.470.00.02 (Convenio promoción cultural Auditorio Mar de Vigo), e a concesión dunha subvención por importe de 392.405,53 €, a favor da devandita entidade.



Copia do documento - Concello de Vigo	Data impresión: 03/05/2024 17:36	Páxina 11 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

A subvención do Concello de Vigo á empresa ORGANIZACIÓN DE IDEAS DE ÉXITO S.L., xestora do Auditorio-Pazo de Congresos “Mar de Vigo” é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.

### CONDICIÓNS DE CONCESIÓN DA SUBVENCIÓN

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan no texto de proposta de convenio.

Á visto do exposto, coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, previos os informes favorables xurídico e da Intervención Xeral, faise a seguinte

### PROPOSTA Á XUNTA DE GOBERNO LOCAL.-

“**PRIMEIRO.-** Aprobar, según o previsto no art. 22. apartado 2. c) da Lei 38/2003 xeral de subvencións, a concesión directa dunha subvención por importe máximo de **392.405,53 € (trescentos noventa e dous mil catrocentos cinco euros con cincuenta e três céntimos)** á empresa ORGANIZACIÓN DE IDEAS DE ÉXITO S.L., CIF B-27719434, xestora do Auditorio-Pazo de Congresos “Mar de Vigo”, para o financiamento da programación e organización de actividades artísticas e socioculturais no citado auditorio durante o periodo comprendido entre o 1 de decembro de 2017 e o 15 de novembro de 2018, ambos inclusive, organizado por esta entidade; e autorizar e dispoñer o devandito gasto con cargo á aplicación orzamentaria 3331.470.00.02 (Convenio promoción cultural Auditorio Mar de Vigo), que figura no orzamento municipal vixente do Concello de Vigo.

**SEGUNDO.-** Que se aprobe o texto do proxecto de convenio entre o Concello de Vigo e á empresa ORGANIZACIÓN DE IDEAS DE ÉXITO S.L., CIF B-27719434, xestora do Auditorio-Pazo de Congresos “Mar de Vigo”, que regula o desenvolvemento da subvención outorgada para o financiamento da programación e organización de actividades artísticas e socioculturais no citado auditorio durante o periodo comprendido entre o 1 de decembro de 2017 e o 15 de novembro de 2018, ambos inclusive.”

### **Acordo**

A Xunta de Goberno local aproba a proposta contida no precedente informe.

### PROXECTO DE CONVENIO DE COLABORACIÓN ENTRE O CONCELLO DE VIGO E A XESTORA DO AUDITORIO-PAZO DE CONGRESOS “MAR DE VIGO” PARA A PROGRAMACIÓN E ORGANIZACIÓN DE ACTIVIDADES ARTÍSTICAS E SOCIOCULTURALS NO CITADO ESPAZO DURANTE O ANO 2018

En Vigo, \_ de \_\_\_\_\_ de dous mil dezaoto



Copia do documento - Concello de Vigo	Data impresión: 03/05/2024 17:36	Páxina 12 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

### REÚNENSE

A Concellería de Cultura (en adiante CONCELLERÍA), e no seu nome e representación, D. Cayetano Rodriguez Escudero, en virtude do seu cargo de concelleiro-delegado da Área de Cultura, Concello de Vigo (CIF P3605700H), para o que foi nomeado polo decreto de delegación de Alcaldía e acordo da Xunta de Goberno Local, ambos de data 19 de xuño de 2015; con enderezo na Praza do Rei nº 1, CP 36202; no exercicio das facultades e demais funcións que lle foron conferidas por razón do seu cargo,

Doutra, don Jesús Ignacio Teijeira Rodríguez, na súa calidade de Administrador único da empresa “Organización de Ideas de Éxito, S.L.”, CIF B-27.719.434, con enderezo social en rúa Pio XII, 10, baixo - O Porriño (Pontevedra), CP 36400, (en adiante a EMPRESA), actuando en nome e representación da mesma, segundo resulta da escritura de constitución da sociedade aportada.

Tendo os comparecentes a capacidade legal necesaria para o outorgamento do presente convenio

### MANIFESTAN

I.- Que o **Auditorio-Pazo de Congresos “Mar de Vigo”** é un espazo artístico e cultural referente para a cidade de Vigo, destinado principalmente ao desenvolvemento de concertos, espectáculos e representacións artísticas, así como a actividades de carácter sociocultural, congresos, exposicións, convencións e actividades de promoción turística.

II.- Que a Xunta de Goberno Local do Concello de Vigo, na súa sesión de data 9 de marzo de 2018, acordou a continuidade do contrato de arrendamento entre a empresa “Organización de Ideas de Éxito, S.L.” e Pazo de Congresos SA, para a explotación e xestión do Auditorio-Pazo de Congresos de Vigo.

III.-Que a empresa “**Organización de Ideas de Éxito, S.L.**”, con CIF B-27719434, ten por obxecto social a representación técnica de espectáculos, a contratación e representación de actividades artísticas, deportivas e culturais, e toda a relación profesional co mundo do espectáculo, o deporte e a cultura, así como a xestión, explotación e produción de redes de telecomunicacións de información, informática, telefonía, vídeo, televisión e radio; transporte de sinal por satélite, cable, fibra óptica e/ou enerxías naturais ou industriais; produción, cinematográfica, publicacións, editoriais discográficas e xornalísticas e publicidade, segundo a escritura de constitución outorgada en O Porriño, ante a Notaria Dna. Mónica Alba Castro, presentada o 16 de outubro de 2008 no Rexistro Mercantil de Pontevedra, documento: 1/2008/10.095,0; diario: 102; asento 8590; Tomo: 3504, libro 3504; folio 10; folla: P0 46892, e que foi modificada con posterioridade na seguintes datas: 15 de setembro de 2008 nº entrada 1/2008/10.095,0; 22 de abril de 2010 nº de entrada documento 1/2010/3.277,0 e o 30 de outubro de 2014 nº documento 1/2014/10.079,0.

IV.- Que a empresa “**Organización de Ideas de Éxito, S.L.**” está interesada en colaborar co **Concello de Vigo** na programación e organización de actividades artísticas e socioculturais no Auditorio-Pazo de Congresos “Mar de Vigo” durante o ano 2018, co fin de apoiar e potenciar a oferta cultural e de ocio da cidade, e achegar á cidadanía unha oferta cultural diversificada que albergue o maior número posible de actividades, dirixidas a todos os sectores culturais no fomento de actividades de interese cultural e social que se celebren na cidade de Vigo.



Copia do documento - Concello de Vigo	Data impresión: 03/05/2024 17:36	Páxina 13 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**V.-** Que o **Concello de Vigo**, de conformidade cos artigos 25.1. e 25.2.m da Lei 7/1985 de 2 de abril reguladora das bases do réxime local, e cos artigos 80.1 e 80.2.n da Lei de Galicia 5/1997 de 22 de xullo de administración local de Galicia, está interesado en apoiar e potenciar a oferta cultural da cidade, así como en achegarlle á cidadanía unha oferta cultural diversificada que albergue o maior número posible de actividades dirixidas a todos os sectores culturais. O Concello de Vigo, no seu vixente orzamento, prevé a concesión dunha subvención por importe de 500.000 € na aplicación orzamentaria 3331.470.00.02 (Convenio promoción cultural Auditorio Mar de Vigo).

Faise constar que a empresa **“Organización de Ideas de Éxito, S.L.”**, ten contratada a xestión e explotación do Auditorio do Pazo de Congresos “Mar de Vigo” en exclusividade, polo que se xustifica a concesión directa da subvención, xa que non é posible a súa convocatoria pública. Esta condición de xestora do Auditorio “Mar de Vigo” en exclusividade, xustifica a concesión directa da subvención, xa que o concepto que recolle o vixente orzamento, “convenio promoción cultural auditorio Mar de Vigo” aplicación 3331.470.00.02, lle outorga a condición de subvención nominativa ao espazo cultural, non por razón de suxeito, senón por razón ao obxecto, e ao inmobile no que se desenvolverían as actividades.

Así mesmo, na actividade a subvencionar e na subvención mesma concorren singulares circunstancias de interese público.

**VI.-** Conforme ao disposto nos artigos 28.1 da Lei 38/2003, de 17 de novembro, xeral de subvencións e 26.1 da Lei de Galicia 9/2007, de 13 de xuño, de subvencións de Galicia, o convenio será instrumento adecuado para canalizar as subvencións que, con carácter excepcional e por razóns de interese público, social, económico ou humanitario, ou outras debidamente xustificadas que dificulten a súa convocatoria pública se outorguen directamente. Os intervinientes conclúen o presente convenio ao fin de regular os termos da concesión da devandita subvención, cuxo obxecto é a programación e organización de actividades artísticas e socioculturais no Auditorio-Pazo de Congresos de Vigo “Mar de Vigo” dende o 1 de decembro de 2017 ata o 15 de novembro de 2018.

**VII.-** Que a empresa **“Organización de Ideas de Éxito, S.L.”**, CIF: B-27719434 *non está incurso en prohibición para ser beneficiaria das subvencións obxecto da Lei de subvencións de Galicia, atópase ao corrente das súas obrigas tributarias e coa Seguridade Social, e non ten débedas pendentes co Concello de Vigo, segundo resulta das declaracións responsables e certificacións que figuran no expediente administrativo arriba citado.*

Que en base ás precedentes consideracións e ao interese cultural que para a cidade de Vigo representa o desenvolvemento das actividades obxecto do convenio, o Concello de Vigo e a empresa **“Organización de Ideas de Éxito, S.L.”**, conveñen a súa colaboración no ámbito cultural e a concesión da referida subvención en base ás seguintes

## CLÁUSULAS

### PRIMEIRA.- OBXECTO

A través do presente convenio, establécense as condicións polas que se rexerá a colaboración entre a CONCELLERÍA e maila EMPRESA para desenvolver a programación e organización de actividades artísticas e socioculturais no Auditorio-Pazo de Congresos “Mar de Vigo” no exercicio 2018, coa fin de apoiar e potenciar a oferta cultural e de ocio da cidade, e achegar ao público



Copia do documento - Concello de Vigo	Data impresión: 03/05/2024 17:36	Páxina 14 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

unha oferta cultural diversificada que albergue o maior número posible de actividades, dirixidas a todos os sectores culturais.

O período establecido para o desenvolvemento das anteditas actividades será dende o 1 de decembro de 2017 ata o 15 de novembro de 2018, conforme ao programa recollido no Anexo deste convenio.

As actividades obxecto deste convenio están destinadas ao público en xeral, e o acceso as mesmas será público, aínda que o número de asistentes limitárase á capacidade do recinto. As actividades, servizos ou produtos ofertados ao público no marco do programa de actividades que conforma o Anexo, poderán traer consigo unha achega económica por parte dos usuarios (billetes, entradas, etc.); a tal efecto, a EMPRESA deberá expor durante a celebración da actividade, nun lugar perfectamente visible, o listado de prezos de venda ao público.

### SEGUNDA.- PRESUPOSTO E FINANCIAMENTO

A memoria económica que se achega ao presente convenio, presentado pola EMPRESA, incorpora o presuposto xeral de gastos do programa obxecto do mesmo, polo importe total de **392.405,53 €**, ademais dun orzamento de gastos xerais prorrateados de 122.155 €, sen iva.

### TERCEIRA.- OBRIGAS DA EMPRESA . MECANISMOS DE ASISTENCIA TÉCNICA

1.- Asumir todo o concernente á organización das actividades recollidas no anexo do convenio, achegando toda a infraestrutura e equipo humano necesarios para tal fin. O interlocutor único ante a CONCELLERÍA por parte da EMPRESA será, D. Jesús Ignacio Teijeira Rodríguez, administrador único.

2.- Responsabilizarse da organización integral do programa e difundilo amplamente.

3.- Cumprir o programa obxecto da subvención, de acordo co establecido neste convenio e no acordo de concesión, asumindo o aboamento dos gastos relativos á organización da actividade, tanto directos como indirectos (contratacións, produción, dereitos de autor derivados da programación, material de difusión e demais infraestruturas necesarias para o desenvolvemento efectivo da actividade).

4.- Cumprir coas obrigas fiscais, así como das disposicións vixentes en materia laboral, de Seguridade Social e de saúde e hixiene no traballo.

5.- Incorporar os anagramas-logotipos do Concello de Vigo na forma que se detalla no pacto sexto, e comunicar as accións de difusión nas que se deberá facer mención expresa da subvención obxecto deste convenio.

6.- Facilitar á CONCELLERÍA a información necesaria para a difusión do programa a través da páxina “vigocultura.org” e demais canles oficiais.

7.- Comunicar á CONCELLERÍA as modificacións das circunstancias que fundamentasen a concesión da subvención (art.11.d da Lei 9/2007 de subvencións de Galicia), en particular os cambios ou cancelacións de elementos do proxecto de actividades, obtención doutras subvencións, axudas ou recursos que modifiquen o financiamento, no momento en que teña constancia da súa dispoñibilidade ou efectividade, e en todo caso, con anterioridade á xustificación da aplicación dada aos fondos percibidos; co obxecto de determinar a oportunidade



Copia do documento - Concello de Vigo	Data impresión: 03/05/2024 17:36	Páxina 15 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

da autorización da modificación ou substitución por outros programas, ou ben proceder á redución do importe da subvención concedida ou reintegro.

A alteración das condicións tidas en conta para a concesión da subvención poderá dar lugar á modificación da resolución de concesión (art.17.3 da citada Lei).

8.- A concesión da subvención á EMPRESA implica a súa aceptación das obrigas sinaladas na resolución de concesión e nas normativas citadas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.

9.- Responsabilizarse fronte a calquera dano que se cause a terceiros con ocasión do desenvolvemento do programa, asumindo a contratación dunha póliza de seguro de responsabilidade civil que atenda calquera accidente ou incidencia que se poida producir en relación ao desenvolvemento do evento. A EMPRESA entregará á Área de Cultura copia da póliza antes da sinatura do presente convenio.

10.- Dar cumprimento do Plan de Autoprotección do Auditorio do Pazo de Congressos "Mar de Vigo", de acordo coas medidas de actuación en caso de emerxencia, durante os eventos que se desenvolvan nas instalacións, así como ao cumprimento do establecido na Lei 31/1995, de prevención de riscos laborais.

11.- Comunicar ao concelleiro-delegado da Área de Cultura calquera modificación que se produza no programa de actividades e/ou no seu orzamento que conforman o Anexo do convenio, sempre e cando ditas modificacións non supoñan un incremento sobre o importe da subvención prevista.

12.- A EMPRESA non poderá subcontratar con terceiros a actividade obxecto do convenio. Queda fóra deste concepto a contratación daqueles gastos en que teña que incurrir a EMPRESA para a realización da actividade subvencionada.

#### CUARTA.- OBRIGAS DA CONCELEIRÍA. MECANISMOS DE ASISTENCIA TÉCNICA

1.- Conceder directamente á EMPRESA unha subvención por importe máximo de **392.405,53 € (trescentos noventa e dous mil catrocentos cinco euros con cincuenta e tres céntimos)** para o desenvolvemento de concertos, espectáculos e representacións artísticas, así como a actividades de carácter sociocultural, congresos, exposicións, convencións e actividades de promoción turística no Auditorio-Pazo de Congressos "Mar de Vigo", co obxecto de coadxuvar ao financiamento da programación, organización e execución do programa e dos seus gastos detallados no anexo do convenio.

2.- Realizar o seguimento do desenvolvemento do programa de actividades contempladas neste convenio.

3.- Xestionar o pagamento do importe da subvención tras o cumprimento dos requisitos de xustificación e conformidades necesarias.



Copia do documento - Concello de Vigo	Data impresión: 03/05/2024 17:36	Páxina 16 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		





## Concello de Vigo

### QUINTA.- MECANISMOS DE SEGUIMENTO DA SUBVENCIÓN E DO CONVENIO. UNIDADE XESTORA

Para o bo desenvolvemento do programa obxecto do convenio establecerase unha comisión mixta, integrada polos representantes citados de cada unha das institucións convenientes, ou persoa na que deleguen, aos que corresponderá o seguimento, interpretación e avaliación das accións derivadas do presente convenio.

O centro xestor da subvención á EMPRESA é a Área de Cultura do Concello de Vigo, a través do Xefe do servizo de Xestión e Promoción Cultural, a quen se informará sobre o desenvolvemento do programa, e comunicará os posibles cambios na programación e, especialmente, a súa incidencia nos presupostos que deron motivo á concesión da subvención, por se procedera a súa revisión.

O centro xestor ten a encomenda de comprobación da realización das actividades do proxecto subvencionado e de informar sobre a adecuada xustificación da subvención poñendo de manifesto, expresamente, o cumprimento total do obxecto da subvención ou aquelas circunstancias que imposibiliten a aprobación da xustificación, xunto coa conformidade dos documentos xustificativos presentados.

### SEXTA.- DIFUSIÓN DO CARÁCTER PÚBLICO DO FINANCIAMENTO E DAS ACTIVIDADES DO PROGRAMA

Calquera que sexa o medio de difusión, a EMPRESA adoitará as medidas necesarias para publicitar axeitadamente o carácter público do financiamento do programa polo Concello de Vigo, as súas actividades e funcionamento; incorporando o anagrama-logotipo do Concello de Vigo, ademais das lendas indicadas pola Área de Cultura, en particular, no material gráfico editado, na páxina web, nas presentacións públicas, actividades, soportes e demais recursos de difusión e información xeral que se produzan sobre o evento, de acordo coa CONCELLERÍA.

Se no financiamento das actividades ou publicacións interveñen outras EMPRESAS distintas do Concello de Vigo, deberá acordarse coa CONCELLERÍA a prelación e características para cada caso.

O deseño gráfico de publicacións e materiais de difusión, deberá ser enviado á Área de Cultura, previamente ás impresións, como mínimo naquelas partes onde figuren as referencias da EMPRESA, Concello de Vigo e outras EMPRESAS que realicen algunha achega ao proxecto subvencionado no seu conxunto polo Concello. O material editado disporá dos depósitos legais correspondentes.

Así mesmo, a EMPRESA entregará o material de difusión suficiente, tanto para a súa conservación no expediente de subvención, como para a difusión da programación dende a CONCELLERÍA.

A difusión aos medios de comunicación de informacións sobre as actividades programadas (roldas de prensa, difusión de noticias, informacións, traballos, etc) deberá estar previamente comunicada ou acordada coa CONCELLERÍA.

A EMPRESA comprométese á utilización dunha linguaxe e imaxe non sexista nos materiais de publicidade que se empreguen para a difusión da actividade ou evento. Igualmente comprométese ao emprego de imaxes non estereotipadas e que fagan visible a achega das mulleres nas facetas públicas da sociedade e non só no eido privado ou familiar.



Copia do documento - Concello de Vigo	Data impresión: 03/05/2024 17:36	Páxina 17 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

A EMPRESA facilitará á Area de Cultura, coa antelación suficiente, toda a información sobre o programa nos formatos axeitados, co fin de publicitalo en todos os soportes municipais (web, 010, Vigocultura, etc.).

#### Lingua de difusión e publicacións:

En consecuencia co establecido na vixente Ordenanza da Normalización Lingüística do Concello de Vigo, a lingua galega é a lingua principal de comunicación; polo tanto, e con carácter xeral, só se considerarán dentro do proxecto e programa subvencionado as publicacións e elementos de difusión e publicidade editados en galego, teñan ou non carácter periódico. A utilización doutras linguas distintas ao galego nas publicacións e difusión quedan sometidas aos acordos particulares coa CONCELLERÍA para que os elementos sexan subvencionables.

#### SÉTIMA.- PAGAMENTO DA SUBVENCIÓN

O pagamento da cantidade recollida no pacto cuarto deste convenio efectuarase por transferencia bancaria a conta de titularidade da EMPRESA beneficiaria, según o seguinte:

- Un primeiro pagamento trala sinatura do presente convenio, que incluírá todos os gastos susceptibles de ser subvencionados dende o 1 decembro de 2017 ao 31 de outubro de 2018.
- Un segundo e derradeiro pagamento que incluírá todos os gastos susceptibles de ser subvencionados dende o 1 ao 15 de novembro

A EMPRESA terá que solicitar o importe correspondente ao custo das actividades desenvolvidas nese período, conforme a programación do anexo, acompañando a memoria parcial das actividades e a memoria parcial económica correspondente a cada período.

A EMPRESA, xunto coa solicitude do último pagamento, deberá presentar ademais un informe final relativo ao desenvolvemento do programa recollido no Anexo.

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), A EMPRESA está obrigada a relacionarse electrónicamente coas Administracións Públicas. Xa que logo, para proceder á xustificación do cumprimento da finalidade para a que se concede a subvención que regula o presente convenio e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na mesma, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da Lei Xeral de Subvencións establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a EMPRESA beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas compulsadas das facturas orixinais en papel.



Copia do documento - Concello de Vigo	Data impresión: 03/05/2024 17:36	Páxina 18 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

No caso de que se achegue a documentación presencialmente, requirirase a súa subsanación mediante a súa presentación electrónica. A estes efectos, considerarase como data de presentación da documentación aquela na que tivese realizado a subsanación.

### Documentación a incluír na conta xustificativa para cada pagamento:

- Solicitude de pagamento da subvención tralo remate das actividades e, en todo caso, como límite o 16 de novembro de 2018.
- Acreditar atoparse ao corrente das súas obrigas tributarias coa Axencia Tributaria, Consellería de Facenda da Xunta de Galicia, Tesourería Xeral da Seguridade Social e Concello de Vigo.
- Memoria de execución e avaliación da actividade realizada, que xustificará o cumprimento das condicións impostas e a consecución dos obxectivos, que deberá incluír como mínimo:
  1. Programa con información sobre organización, patrocinio, colaboradores, venda de entradas, etc.
  2. Datos sobre os participantes nas actividades, número e perfil dos asistentes.
  3. Memoria de prensa.
  4. Relación de material gráfico e de difusión, cos logotipos do Concello de Vigo.
  5. Reportaxe fotográfica.
- Memoria económica contendo o balance detallado coa totalidade dos gastos e ingresos da actividade, con indicación dos acredores, conceptos facturados, datas de emisión e importe; acreditados con documentos orixinais pola parte subvencionada.
- Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia, data de ingreso e a aplicación de tales fondos ás actividades subvencionadas.
- As facturas ordenadas segundo o concepto de gasto a que se atribúen e nas que figure a EMPRESA como EMPRESA destinataria, deberán recoller o seu número e data, CIF, denominación e domicilio social do emisor, conceptos, importes, IVE, etc. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas nin aquelas que non reúnan as condicións previstas no RD. 1619/2012, de 30 de novembro, polo que se regula o deber de expedir e entregar facturas que incumbe a empresarios e profesionais.
- Nestas facturas computarase o gasto acreditado, deducindo o IVE, agás que xustifique que está exenta de IVE.
- Nas facturas ou nos documentos xustificativos dos gastos non deberá constar de forma expresa que o gasto foi pagado pola EMPRESA beneficiaria con anterioridade á finalización do prazo de xustificación; entendéndose baixo a responsabilidade do beneficiario que o concepto facturado está realizado e conta coa súa conformidade.
- A xustificación deberá facerse con documentos orixinais pola parte subvencionada e con copias de facturas polo resto do orzamento. Poderase substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto, ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de XXXXX euros.

Cando a EMPRESA beneficiaria demande a devolución do orixinal presentado para a xustificación da subvención, solicitará a través da unidade xestora da tramitación administrativa do expediente o estampillado (art.73 do regulamento da Lei 38/2003 LXS) da factura orixinal indicando no mesmo o motivo da subvención, así como se o importe do xustificante se imputa total ou



Copia do documento - Concello de Vigo

Data impresión: 03/05/2024 17:36

Páxina 19 de 23

SUBVENCIONS

CSV: A7A54A-CA3C38-2939EE-ZXA3W3-HJABL1-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

parcialmente á subvención recibida, indicándose neste caso o importe exacto que resulte afectado pola subvención. Posteriormente incorporárase ao expediente copia do xustificante orixinal estampillado e a unidade administrativa procederá á devolución do orixinal.

#### Gastos subvencionables:

Consideraranse gastos subvencionables, os realizados entre o 1 de decembro de 2017 ata o 15 de novembro de 2018, e que respondan directa e indubidablemente á natureza da actividade subvencionada, resulten estritamente necesarios e se realicen dentro do prazo establecido para a execución do proxecto, quedando excluídos os custos indirectos imputables á actividade, os custos de funcionamento ordinario da EMPRESA, os de atencións protocolarias e representativas, e os gastos en inversións e adquisicións de material, equipos e bens de natureza inventariable.

En ningún caso o custo de adquisición dos gastos subvencionables poderá ser superior ao valor de mercado.

Os gastos susceptibles de ser subvencionados serán:

\* Do 1 de decembro de 2017 ao 31 de marzo de 2018: todos os gastos derivados das actividades programadas tanto directa como indirectamente.

\* Do 1 de abril ao 15 de novembro de 2018: exclusivamente os gastos derivados da xestión directa de actividades por parte da EMPRESA.

#### Importe total de subvencións ou axudas:

A subvención do Concello á EMPRESA é compatible con outras subvencións, axudas, ingresos ou recursos para a mesma finalidade procedentes de calquera outra administración ou de entes públicos ou privados, nacionais, da Unión Europea ou de organismos internacionais.

O importe das subvencións ou axudas percibidas pola EMPRESA para a actividade subvencionada en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade ou obxecto subvencionados (art.17.3 da Lei 9/2007 de subvencións de Galicia).

### **OITAVA.- XUSTIFICACIÓN DA SUBVENCIÓN**

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada pola Área de Cultura.

Os técnicos da Área de Cultura emitirán informe ao respecto facendo constar, no seu caso, todas aquelas circunstancias que poidan resultar relevantes en orde a considerar incumplida ou defectuosamente cumprida a actividade subvencionada.

### **NOVENA.- INFORMACIÓN**

A beneficiaria deberá facilitar toda a información que lle sexa requirida pola CONCELLERÍA e pola Intervención Xeral Municipal, Tribunal de Contas e Consello de Contas, no exercicio das súas funcións de fiscalización e control do destino das subvencións.

### **DÉCIMA.- REINTEGRO**



Copia do documento - Concello de Vigo	Data impresión: 03/05/2024 17:36	Páxina 20 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

Procederá ao reintegro das cantidades percibidas e a esixencia de xuros de demora desde o pagamento da subvención até a data na que se acorde a procedencia do reintegro nos casos do artigo 33 LSG.

Cando o incumprimento da actividade subvencionada se traduza nunha diminución significativa da actividade subvencionada, traducible a termos económicos en función do proxecto presentado e o seu presuposto que non implique verdadeiro incumprimento do obxectivo da subvención, procederá ao reintegro da subvención na mesma proporción. En todo caso procederá o reintegro do exceso da subvención sobre o custo da actividade subvencionada.

### **DÉCIMO PRIMEIRA.- INFRACCIÓNS E SANCIÓNS**

En canto ás infraccións e sancións en que poida incurrir a beneficiaria da subvención a que se refire este convenio e procedemento para a súa apreciación e imposición, estarase ao disposto no título IV da Lei 9/2007, de 13 de xuño, de subvencións de Galicia, e na Lei 39/2015, do 1 de outubro, do procedemento administrativo común das administracións públicas.

### **DÉCIMO SEGUNDA.- PROTECCIÓN DE DATOS DE CARÁCTER PERSOAL**

A EMPRESA está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto do presente convenio, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015, do 1 de outubro, do procedemento administrativo común das administracións públicas, na Lei 15/1999, do 13 de decembro, de protección de datos de carácter persoal e no Regulamento Europeo 2016/679 de Protección de Datos, de 27 de abril de 2016, sendo responsable do seu tratamento a Concellería de Cultura.

A beneficiaria poderá exercer os dereitos de acceso, rectificación, cancelación e oposición ante a Concellería de Cultura do Concello de Vigo.

### **DÉCIMO TERCEIRA.- DEREITOS SOBRE A INFORMACIÓN E TITULARIDADE DOS RESULTADOS**

Os resultados froito deste convenio, tales como documentais, catálogos, estudos, e demais material obtido da realización das actividades programadas, serán de titularidade e de uso común da CONCELLERÍA e da EMPRESA. Os resultados quedarán para futuras edicións e ámbalas dúas partes poderán utilizalo nun futuro indistintamente.

A CONCELLERÍA resérvase o dereito de publicar os resultados, parciais ou finais, obtidos durante a execución do convenio que, en todo caso, terán carácter público.

Calquera transformación dos resultados do programa de colaboración conxunta requirirá o consentimento expreso das partes asinantes do convenio.

### **DÉCIMO CUARTA.- PARTICIPACIÓN DOS COLABORADORES DA EMPRESA**

O asinamento deste convenio non implica relación laboral, contractual ou de calquera outra índole entre a EMPRESA e os profesionais ao seu servizo que vaian desenvolver as actividades



Copia do documento - Concello de Vigo	Data impresión: 03/05/2024 17:36	Páxina 21 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

previstas, e o Concello de Vigo, de tal xeito que a este non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

#### **DÉCIMO QUINTA.- VIXENCIA**

O presente convenio estenderá a súa vixencia desde a data da súa sinatura até o 31 de decembro de 2018, e non será prorrogable.

#### **DÉCIMO SEXTA.- MODIFICACIÓN, DENUNCIA E RESOLUCIÓN DE CONTROVERSIAS**

Calquera das súas partes asinantes poderá denunciar ou modificar o presente convenio previa notificación escrita cunha antelación mínima de tres meses.

O incumprimento de calquera das obrigas contraídas no presente convenio por unha das partes facultará á outra para resolver o mesmo, quedando automaticamente anulados todos os dereitos correspondentes sobre o obxecto programa de colaboración conxunta, pero non así as obrigas contraídas no mesmo.

O concelleiro-delegado da Área de Cultura queda facultado para resolver as posibles controversias derivadas da execución e interpretación deste convenio, así como para tomar iniciativas que contribúan ao seu cumprimento e desenvolvemento. Así mesmo, queda facultado para propoñer ou autorizar modificacións tanto no programa de actividades como no seu orzamento que se recollen no Anexo, sempre e cando ditas modificacións non supoñan un incremento sobre o importe total da subvención prevista no pacto cuarto deste convenio.

#### **DÉCIMO SÉTIMA.- LEXISLACIÓN APLICABLE**

A concesión da subvención obxecto do presente convenio rexerese pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D.L. 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da EMPRESA a correspondente xestión e autorización dos dereitos de autor, ou de calquera outra obriga derivada do Real decreto-lexislativo 1/1996 do 12 de abril, polo que se aproba o Texto refundido da lei de propiedade intelectual.

E, en proba da súa conformidade, firman o presente convenio, por triplicado exemplar no lugar e data indicados.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.



Copia do documento - Concello de Vigo	Data impresión: 03/05/2024 17:36	Páxina 22 de 23
SUBVENCIONS	CSV: A7A54A-CA3C38-2939EE-ZXA3W3-HJABL1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

O ALCALDE,  
Abel Caballero Álvarez.



Copia do documento - Concello de Vigo

Data impresión: 03/05/2024 17:36

Páxina 23 de 23

SUBVENCIONS

CSV: A7A54A-CA3C38-2939EE-ZXA3W3-HJABL1-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>